



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՎԱՐՉԱԿԱՆ ԱԿՏ N 1511793

**ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

18 մարտի 2021թ.

ք. Երևան
(կազմման վայրը)

Ակտի հասցեայրեր

Ֆիզիկական անձ Պապին Էդիկի Սարգսյան

(անհատ ձեռնարկատիրոջ անունը, ազգանունը (անհատ ձեռնարկատիր նշումով) կամ իրավաբանական անձի անվանումը)

(Անձնագիր՝ AG0402447, ք. Երևան, Նորքի 4 զանգված, Գյուլիքոխյան 15)

Խախտման նկարագրությունը

ՀՀ ՊԵԿ ՀՕՀ վարչության պետի 01.03.2020թ-ի թիվ 1511793 որոշման համաձայն ֆիզիկական անձ Պապին Էդիկի Սարգսյանի նկատմամբ իրականացվել է օպերատիվ-հետախուզական միջոցառումներ: Ձեռնարկված ՕՀՄ-ի արդյունքում պարզվել է, որ ֆիզիկական անձ Պապին Էդիկի Սարգսյանը (հաշվառված՝ Արագածոտնի մ., ք. Աշտարակ, Դոդոխյան 1) առանց համապատասխան պետական գրանցման և հարկային մարմնում հաշվառման 2016թ-ին արտադրել և ՌԴ-ում գտնվող պատվիրատուին վաճառել է՝ ընդամենը 1.200.000 ՀՀ դրամ արժողությամբ կահույք (դռներ, միջանցքի պահարան, սեղան, խոհանոցային կահույք): Գործունեության ընթացքում Պապին Էդիկի Սարգսյանի մոտ աշխատել է չձևակերպված 1 վարձու աշխատող՝ Նարինե Մարտիկի Հունանյանը: Ըստ Պապին Էդիկի Սարգսյանի 09.03.2020թ-ին տրված գրավոր հայտարարության, տվյալ գործունեությունից ստացված ձեռնարկատիրական եկամուտը կազմել է՝ 1.200.000 ՀՀ դրամ:

Թիվ 1511793 արձանագրությամբ 09.03.2020թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 16.03.2021թ-ին նշանակված վարչական վարույթի լսումներին: Գործում առկա չեն լրացուցիչ ապացույցներ, չեն ներկայացվել միջնորդություններ:

ՀՀ հարկային օրենսգրքի 407-րդ հոդվածի 1-ին մասով, ըստ որի՝ «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների արդյունքում ապօրինի գործունեության հայտնաբերման դեպքում գանձվում է տուգանք՝ այդ գործունեության արդյունքում Օրենսգրքով սահմանված կարգով հաշվարկված ձեռնարկատիրական եկամտի 50 տոկոսի չափով, բայց ոչ պակաս 200 հազար դրամից:

ՀՀ հարկային օրենսգրքի 412-րդ հոդվածի 1-ին մասով, ըստ որի՝ աշխատողի աշխատանքի ընդունումը Հայաստանի Հանրապետության օրենսդրությամբ սահմանված կարգով գրավոր չձևակերպելու (այսինքն՝ աշխատանքի ընդունման մասին անհատական իրավական ակտի և գրավոր պայմանագրի բացակայության) և (կամ) նոր աշխատողի համար

Օրենսգրքի 156-րդ հոդվածի 2-րդ մասով սահմանված ժամկետում գրանցման հայտ չներկայացնելու փաստը հարկային մարմնի կողմից իրականացվող համալիր կամ թեմատիկ հարկային ստուգումների ընթացքում՝ Կառավարության սահմանած կարգով, իսկ ապօրինի գործունեություն իրականացնողների մոտ՝ օպերատիվ-հետախուզական միջոցառումների ընթացքում Կառավարության սահմանած կարգով արձանագրվելու դեպքում գործատուից (այդ թվում՝ ապօրինի գործունեություն իրականացնողներից կամ սահմանված կարգով հաշվառված և արտոնագիր ստացած՝ անհատ ձեռնարկատեր չհանդիսացող ֆիզիկական անձանցից) գանձվում է տուգանք՝ յուրաքանչյուր չձևակերպված վարձու աշխատողի համար 250.000 դրամի չափով:

Տվյալ դեպքում Պապին Էդիկի Սարգսյանի կողմից ՀՀ Հարկային օրենսգրքի 407-րդ հոդվածով նախատեսված խախտումը վերջին 1 տարվա ընթացքում կատարվել է առաջին անգամ: Գործունեության ընթացքում ստացված եկամուտը կազմում է 1.200.000 ՀՀ դրամ, որի 50%-ը կազմում է 600.000 ՀՀ դրամ, այսինքն օրենսդրական պահանջից ելնելով Պապին Էդիկի Սարգսյանի նկատմամբ կիրառելի է 600.000 ՀՀ դրամ տուգանք:

Միևնույն ժամանակ Պապին Էդիկի Սարգսյանի մոտ աշխատել է օրենսդրությամբ սահմանված կարգով չձևակերպված 1 վարձու աշխատող, ինչի համար օրենսդրական պահանջից ելնելով, Պապին Էդիկի Սարգսյանի նկատմամբ կիրառելի է նաև 250.000 դրամ տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և Պապին Էդիկի Սարգսյանին գանձման առաջադրել 600.000 ՀՀ դրամ և 250.000 դրամի չափով տուգանք՝ որպես հարկային պարտավորություն համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 407-րդ հոդվածով սահմանված տուգանք ընդամենը, որից՝	600.000	պետական բյուջե	900008000490
Հարկային օրենսգրքի 412-րդ հոդվածով սահմանված տուգանք ընդամենը, որից՝	250.000	պետական բյուջե	900008000490
Ընդամենը վճարման ենթակա գումար	850.000	պետական բյուջե	900008000490

2. Ընդունել ի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

4.S.

Ստացա ակտի մեկ օրինակը

Պապին Էդիկի Սարգսյան

Ֆիզիկական անձի անունը, ազգանունը
(անհայր ծնունդակապիդրոց դեպքում՝ անհայր
ծնունդակապիդր նշումով) իրավաբանական անձի գործադիր
մարմնի ղեկավար (գրառությունյան ընդունման համար
պատրաստակապող անձ՝ հաշիվային առաքման դեպքում)

սփորագրությունը

ընդամենը 3 էջ

2021թ.

(նշում ակտը ստորագրելուց և (կամ) ստանալուց հրաժարվելու մասին)